

小

草

齋

集

小草齋集卷之十一

陳留謝肇淛著

友人徐 燝校

五言律詩一

少年行四首

鎖甲帶明犀，輕裝出御隄。  
銀牀調舞馬，金距闕鳴雞。  
酒向新豐醉，花從杜曲迷。  
春寒何處宿，楊柳玉樓西。

白馬黃金勒，霜刀赤玉環。  
雪晴射虎出，日暮臂

鷹還結客時乘傳探丸夜度關殺人誰敢問扈  
駕宿驪山

二十羽林郎腰弓事武皇鷗驚白羽箭熊避綠  
沉槍玉檻調鸚鵡金衫舞鳳凰長干微雪夜偷  
得趙家香

玄綬紫貂裘垂鞭過五侯鳴骹當御道吹笛倚  
倡樓鵲印金橫鎖蝦簾玉上鉤美人歌一曲十  
萬錦纏頭

塞下曲四首

三河分虎旌百戰出龍城野月流胡帳飛霜度  
漢營鳴鞭山色動舞劍海波平寄語天驕子應  
聞衛霍名

八月天山道陰雲處處遮雪寒嘶戰馬日落咽  
胡笳河水英雄血邊庭壯士家材官二十萬盡  
逐李輕車

鐵騎列雲屯將軍出五原南關孤鴈影北海萬  
家魂逐虜風迎馬安營雪照門降城晝不到何  
以答君恩

小意集卷十一  
結髮遠從征，長纓請未能。烏窺沙畔骨，馬飲血  
間冰。漢月臨青塚，胡雲暗白登。可憐秋汛近，歲  
歲益金縢。

賦得新柳送別

短岸復長隄，黃輕綠未齊。曉風吹不定，春雪壓  
常低。草細偏相妬，鶯嬌未敢啼。年芳君莫問，日  
落灞陵西。

劍津別徐興公

羈心不成寐，欲別更淒涼。驛路千山色，長天一

鴈行江聲寒度月  
劍氣夜飛霜  
最羨東流水  
從君入故鄉

夜泊建溪

鐘聲夜度關  
雲水碧漫漫  
客路方千里  
鄉心已萬端  
風濤衝石怒  
霜月入舟寒  
魂夢滄江上  
依然戀釣竿

宿酒館

返照下平蕪  
前山半有無  
遊人長愛酒  
村女自當壚  
月冷千林寂  
風高萬木枯  
不堪腸斷處  
樓

角暮鳴鳴

武林迎春

南渡山河舊西吳物候新風塵驚客夢歌吹樂  
王春臘盡梅欺雪陽回鳥近人愁容頗覽鏡疑  
是隔年身

渡江

戊子冬

片帆揚子渡海色接雲陰天地分南北烟波咽  
古今豚風吹日暗鯨浪拍山沉爲酌江心水冷  
然洗病襟

久滯彭城

書劍客他方山川道路長一身餘涕泪雙鬢自  
風霜衰草邊河白寒雲近寒黃彭城歌舞地何  
意引壺觴

人燕作

燕山通闕迥鳥道入林斜寒地偏宜麥春城不  
見花草黃天近寒雲白客思家且盡杯中物風  
塵鬢易華

清明日同惟和過陳子卿旅邸得斑字

柳色滿燕關行歌意氣閒春當愁處暮家在夢  
中還帝闕雲常紫邊城草自斑天涯有知己  
應得慰離顏

長安春望

紫陌紅塵暗皇州綠樹稀酒人千日醉遊客隔  
年歸宮鳥銜花出春雲度闕飛故山招隱處叢  
桂正菲菲

下第出長安

風雨泣征途雲山歸敝廬鄉心雙泪眼行色一

囊書水驛寒花盡邊原古木踈高堂有白髮不  
爲愛鱸魚

良鄉步月寄內

故國幾千里辭家又一年月從今夜滿人到幾  
時圓古店斜臨水寒林暝帶烟空閨清影裏相  
憶倍潺湲

薊門望闕

不作倦遊客誰知行路難亂雲過薊水落日照  
長安楚國薪難爨齊門瑟必自彈東風應有戀飛

絮滿征鞍

望嶧山

東封王氣盡山色鎖空壇  
秦岱浮雲合中原落日寒  
殘碑秦甲子古廟魯衣冠  
未遂登臨意秋風雪滿鞍

行子

行子愁舟楫家人賦屐屐  
賓王才不偶李廣數應奇  
風急濤聲怒江空日色遲  
可憐貧病裏操瑟竟何之

邵伯湖晚望全惟和賦

萬里澄江碧孤舟路欲迷  
遠山天畔小殘日鴈  
邊低雲影空蘆渚波光淨  
柳堤羣鷗沙際起鄉  
思轉淒淒

遊月輪山

香靄白氤氳蒲團卧鹿羣  
泉聲虛漱月塔影疊  
穿雲踈竹傳清楚殘碑蝕  
古文高僧誦經處花  
雨落紛紛

西湖晚泛

十里柳如絲湖光晚更奇危亭衝水立小棹問  
山移風急菱浮亂天高鳥下遲中流歌吹發涼  
月滿淪漪

再度仙霞

絕巘削千層年來兩度登路危常傍竹石古半  
穿藤飄泊悲遊子行藏問老僧鄉關何處是高  
閣不堪凭

己丑五月至家一首

鳥雀噪柴關行人萬里還高堂新白髮茅屋舊

青山犬吠重來客  
花驚久別顏  
貧居無不可  
且學舞爛斑

相見兩悲歡  
踈籬菊半殘  
鬢衰兒不識  
舌在婦相看  
囊橐餘長鋏  
滄洲有釣竿  
夢魂驚未穩  
猶畏路行難

卽事

秋山青未了  
落日萬松陰  
有客來看竹  
無時不聽琴  
窓虛蛛網入  
榻古燕泥侵  
爲語淮陽老  
高懷共陸沉

鄭性之過小草齋

散髮卧茅茨人來蔽竹窺吾方慚小草君肯問  
枯枝樹密鳴蟬急風輕落果遲相看俱不厭秉  
燭索題詩

小草齋雜興十首

一向東山卧神情近若何新詩從夜得逸興遇  
秋多照眼花應語親人鳥解歌莫言城市裏亦  
自有巖阿

世路已如此何須復問津幽林雲共卧寒榻酒

相親夜雨收山果秋風薦水尊貧窮無不可黑  
髮白綸巾

洗耳越江濱人間了不聞應門雙鶴在卧榻數  
鷗分澹澹江涵月戎戎山出雲浮沉皆有適何  
必嘆離羣

山中貧亦好不復受人憐夜雪尋僧話春園共  
鹿眠蟬依霜後葉狐聽竹間泉車馬無來往高  
齋獨草玄

自愛逃人境青山面面可已教樓待月還遣酒

催詩虛閣江雲入  
踈簾野鳥窺更嫌人跡近栽  
竹蔽茅茨

鎮日坐巖扃  
支離豈獨形  
花間雙白眼  
榻上太玄經  
石壁蝸文古  
松林鬼火青  
詩成人散盡  
明月滿空庭

對面意了了  
青山寒葉紅  
秋來一鴈後  
老去百  
花中海鳥  
欺狂客  
江魚怯釣童  
窮愁君莫問  
吾自在牆東

西風響踈竹  
長嘯坐胡床  
知也琴中月  
生涯鏡

裏霜流螢依燕壘遊蟻奪蜂房名姓何須問城  
南老種桑

鞅掌意不適倏然辭世喧山深迷日月身隱負  
乾坤拊劒龍吟匣談經虎扣門夕陽見歸鳥相  
對已忘言

流水護柴扉相將坐息機春畦鋤韭甲晴檻曬  
漁衣徑細松圍密山空客到稀浩歌天地裏片  
片白雲飛

卧

出門愁滿眼一卧便經旬  
海錯家家市山城日  
日春空齋猿盜果老樹鶴欺人  
謝朓飄零甚澄江自可親

寒

綈袍誰復念扶杖苦吟詩  
海上寒生早山中睡起遲  
冰堅魚價貴風急鳥巢欹  
回首年華暮呼童進酒卮

送周所諧還莆

相逢殊草草何事復還家  
作客年將盡思親鬢

易華馬蹄朝帶雪驛戍夜鳴笳別後還相憶春  
城火樹花

巳丑除日

短景匆匆去殘宵度歲華迎春惟竹葉送臘有  
椒花雪色侵孤燭鐘聲散曉鴉不知南阮宅何  
似阿戎家

元夕觀燈二首

碧海虹橋遠鼇山火市長村童過社鼓遊女學  
宮粧梅逐歌聲落燈分月影涼嚴城猶未閉曙

色亂笙簧

鳳筦初傳柳響燈欲放蓮光分太乙炬香借廣  
陵烟火樹疑無夜仙雲別有天九衢歌舞遍不  
用買金錢

送陳子卿歸莆

碧草已滿地春江平不波相逢才十日爲別意  
如何山路入烟少蠻村瘴雨多離情渺無盡遠  
望復悲歌

不寐

獨枕不成寐，懷人意若何。詩還生病後，愁祇爲情多。水簟踈燈照，秋空旅鴈過。捲簾無限耿，耿望銀河。

九月八日同陳振狂王玉生徐興公往石鼓泛舟白龍江

佳辰催載酒，一棹扣龍宮。遠寺鐘聲外，危峰水氣中。平沙連渚白，殘日射江紅。預檄山靈聽，登山是謝公。

舟泊鼓山下

水國薰葭冷霜天鴻鴈還江空多得月潮遠不  
分山犬吠荒村裏漁歌亂竹間爲看雙屐在拂  
曙共躋攀

望海門

遙空開萬頃碧色自晨昏大地瀟灑撤中原氣  
象尊潮平天作岸雲斷水爲門不盡乘桴意悠  
悠誰共言

宿靈源洞

古洞翠爲屏山門夜不扃燈明僧入定風暗虎

聽經壁上雲根紫松間鬼火青禪心誰得解桂  
子落空庭

鼓山歸宿振狂江亭得文字

絕頂尚氤氳歸程已落臙舟迴門外樹人出袖  
中雲峰影看時失鐘聲乍可聞烟霞吾欲老休  
勒北山文

述張主簿齋兵器之京

別酒易銷魂寒帆一片雲鐵衣如雪色匣劍有  
星文沙塞行人盡江天過鴈聞九邊烽火夜待

爾淨妖氛

夜渡馬江

秋水淨於拭扇并鏡裏行月當山罅出雲近海  
門生龍睡空江冷潮歸野渡橫櫂歌中夜遠漁  
火不分明

苦雨四首

至月連旬雨家家夜索絢風雲驕氣色天地漏  
波濤屋上金魚落城中雪浪高柴門流水裏無

事注離騷

陰陽驕蹇甚竟日没平疇高浪蛟龍鬪長林鳥  
雀愁親朋書斷絕孤館病淹留晚穫誰家婦天  
寒哭未休

遠蟻朝移穴驚龍夜出潭豈爲洗兵甲只恐漏  
東南夢裏聲偏入愁來聽不堪高齋人事絕跌  
坐對經函

荒城寒意早雨脚尚如絲白壓梅花破黃殘橘  
柚垂蝸牛窺戶入苔繡上床滋貧病風塵裏驚  
看兩鬢衰

報惟和看梅帖一首

聞道藤江路青山十里梅定當騎馬去或作隔  
年回雪重全難辨風寒半未開願陪兔園客花  
裏共銜杯

春信何太早江南花亂明風吹瓊樹遍人在玉  
山行到處香堪飽歸來夢亦清只疑殘月落別  
是一龍城

看梅宿陳七蘆中

松風吹落日江上釣磯寒屐向蘆中買花先夢

裏看雲陰茅榻靜霜氣薜衣單明發還攜汝前  
林雪可餐

藤山看梅六首

曙色乍微茫江南一路霜人栽梁苑賦花學漢  
宮粧粉面含雪濕芳魂度月涼不妨沉醉去玉  
屑滿衣裳

不識山中路逢人卽問梅繁枝圍屋隱老樹壓  
牆頽瘦藉輕烟補開須夜雨催春光未衰謝攜  
酒賞千回

但得看花地何須問主人山中一夜雪江上隔  
年春徑細香難散寒多色未勻無端風底急撩

亂白綸巾

騎馬訪花神繁枝照眼新詩應憐水部花亦愛  
山人夜月迷青嶂寒江亂白蘋坐來清到骨不  
復夢紅塵

山氣曉冥冥長林玉作屏半遮流水白時雜數  
松青地主供花酒人家結竹亭客來香可醉盡  
日不能醒

一望白如虹前山第幾峰隨風香處處隔水影  
重重短樹堪藏鶴踈枝欲作龍羅浮今夜夢恍  
在月中逢

辛卯春二日汝大興公過山齋一首

細雨浥柴扃高軒過草亭入春才二日此夜聚  
羣星幘共梅花白杯猶栢葉青餘寒猶未解其  
醉莫爲醒

門掩蓬蒿裏尊開花竹中傳籌催羯鼓隔市取  
郛筒山近聞春鳥池清下渴虹酣歌殘日落銀

小草齋集卷十一  
燭敢辭紅

謁馬恭敏先生祠

談笑功成日鯨鯢血未乾  
先朝留劔履行客拜衣冠  
遺廟蒼松老空山落日寒  
至今箕尾氣夜夜向長安

十一夜燈

暝色亂遊人紅雲照錦茵  
燈華才數市月影未全輪  
歌落梅中曲香餘馬後塵  
願爲十日賞看盡廣陵春

步至西禪寺尋僧不值

城西十里路春樹變鳴禽遠寺尋鐘到山僧避  
客深雨花天外落石榻洞中陰悟得空門意吾  
生已陸沉

元夕雨

香靄散千家鰲山萬樹花如何燈畔月轉似雨  
中霞密密撥撥人暈寒雲起夜沙芒屨沾濕好一  
倍惜春華

溪行

溪行幾百里山色入秋衣遠見村前樹人家烟  
火微天晴鶴鷺浴日晚牛羊歸生事愁看汝風  
塵幾是非

南劍樓讀壁間舊題

虛閣一凭闌羣山夕照殘舊遊人已改劍氣夜  
猶寒龍窟空明月鐘聲度遠灘欲論千古事流  
水自漫漫

劍浦有懷

石瀨驚殘夢茫然空爾思劍當重合處人是乍

離時野曠雲飛急江空月度遲燈前半夜意樓  
角不堪吹

水口關

落木下江關長天一鳥還松聲飛積水雨氣入  
殘山官渡垂楊裏人家野竹間客身真似葉歸  
夢逐潺湲

送人赴福寧戎幕

擊筑一高歌橫行意若何鎖雲黃帶雨溪漲白  
通河意氣魚腸在勳名馬汗多歸來報天子

滄海已無波

夏夜陳幼孺見訪

疎燈暗獨夜聞爾扣柴扉  
鶴夢客來破塔雲行  
處飛池光平人月露氣冷  
吹衣語盡不能去  
前山曙色微

送林叔度遊太姥

江風吹別袖念子去閒閒  
跨得仙人鯉言尋太  
姥山秋潮隨月漲夜鶴踏  
雲還爲乞茅君藥歸  
來長閉關

夜

柴扉夏不開池上暮雲遠鼓角悲長夜星河動  
百蠻風塵看寶劔歲月寄青山西北方戎馬酣  
歌損壯顏

喜周喬卿至自蒲一首

羅山春雨歇倒屣慰相思一見貧猶甚那堪鬢  
已絲囊餘彈敝缺袖出別來詩笑指池塘草迎  
人似舊時

兩載不相見漂零真可哀夢隨仙鯉去人及早

鴻來握手落新泪  
論心傾舊醅  
芝山讀書處  
寺壁半蒼苔

陳七同林九成明府見訪不遇

三徑蓬蒿裏  
空聞二仲來  
卽看題鳳字  
猶憶釣龍臺  
野鳥驚初下  
江雲掃半開  
聽琴應有約  
須及菊花杯

困溪別喬卿

執手不能言  
征衣半泪痕  
行當萬里別  
勸汝強加餐  
獨鳥雲間沒  
寒濤樹底翻  
困溪今夜月  
爾

地照離魂

舟泊滄峽

客路三秋盡征帆萬里風松門夾岸翠漁火半  
江紅野寺殘鐘裏孤村宿莽中離心愁絕處流  
水共歸鴻

舟入小南溪

山色遠蒼蒼孤帆指夕陽西風下木葉歸鴈不  
成行石勢危臨水灘聲惡近床客心正搖落不  
獨爲他鄉

浦城曉發

初日上高原微茫見遠村  
亂雲迎馬斷宿鳥向人翻  
山色隨紅葉秋聲入白猿  
風塵當歲晏銷盡故鄉魂

仙霞關

官路雲間出籃輿樹杪過  
亂山人語絕半壁鳥聲多  
野色圍禾黍秋風冷薜蘿  
鄉心寥落處泉咽似悲歌

十月一日江山道中

澤國秋初破征途人未閒長風吹草木落日照  
江山絕磴蒼藤上寒松白鶴還相逢音語改何  
處問鄉關

龍丘哭尹光祿二首

姑篾重遊地淒涼不可言星文從此落意氣更  
誰論遺墅雲留榻空山鶴在門西州兩行泪獨  
立向黃昏

萬壑松聲在人今迹已空半生豪爽氣未夜作  
秋風巾舄烟塵裏河山涕泪中孟嘗門下客書

劍尚飄蓬

過張幼于

河橋萬木落江上雨冥冥作客頭堪白逢君眼  
倍青霜花飛古榻雲氣襲寒亭歸去扁舟夜遙  
看處土星

雲陽道中

去去望長安西風客路難危橋迎水斷古木受  
霜乾海市層陰合江帆細雨寒雲陽天畔月莫  
作異鄉看

至

長途逢至日雙袖不堪沾  
心逐飛灰動愁隨弱線  
添寒江兩岸闊落日亂峰尖  
苦被微名累孤舟一孝廉

彭城曉發

嚴城柝未罷雲氣滿征衣  
殘月欲改色霜花時暗飛  
天涯生計薄海上尺書稀  
苦憶閒居日科頭卧釣磯

臨城

風雪臨城道淒涼意若何飛沙常帶霧凍水不  
成波樹色衝寒盡砧聲向晚多燈前看寶劒俯  
仰一悲歌

汶上

所悲搖落日况復在天涯曠野日千里荒城無  
幾家高風欺弱柳瘦馬犯寒沙故國雲飛處相  
思鬢易華

東平道中

初日上山椒驅車度石橋霧衝人面斷冰蹴馬

蹄消野店賒醪薄平原計里遙更憐多病後瘦  
盡沈郎腰

三歸臺

當年人已朽此地亦丘墟霸業青山裏荒臺白  
露餘石崩秋草合樹老夕陽踈無限登臨意西  
風雪滿裾

平原

鞅掌已如此風霜更斷魂馬嘶殘雪路犬吠半  
山村弟妹音塵遠乾坤日月昏自憐丘壑相何

意尚籠樊

十一月一日涿州道中

改歲餘殘月殊方獨此身  
暫聞鄉語喜轉與酒  
杯親盡日沙塵合千家  
土屋貧南天雲樹杳兩  
地各沾巾

客夜

空齋夢不徹啼鴈尚孤征  
月度山前樹雲歸塞  
外城星河非故國鼓角是  
邊聲愁鬢風烟裏明  
朝白幾莖

送人還吳

飛花將別淚，送汝出長安。  
人散酒樓暮，馬嘶春草寒。  
河分淮口綠，山近秣陵丹。  
晞髮滄江上，應誦行路難。

陪太史蕭允升先生山亭小集二首

層巖削不成，石壁倚雲青。  
地得仙人窟，天迴太史星。  
暗泉魚戲隊，新雨鶴梳翎。  
自有濠間想，高誦不願醒。

殘花雨後看，錦瑟月中彈。  
公子遊飛蓋，兒童舞

戴竿風敲槐影碎池納竹光寒歸路笙歌滿何  
須問夜闌

送人從軍還家

鴈叫雨紛紛離詞不可聞傷心塞北草歸夢海  
東雲劔氣寒猶合兵書醉自焚從今灞亭上不  
識故將軍

寄陳汝大

閒門閉落日長安生事微一聲秋夜鴈泪滿越  
人衣書斷心空折天遥夢亦稀可憐滄海月獨

昭蓼花磯

伏枕

伏枕新雨過晚風吹疾藜驚鴻陣不亂乳燕壘  
新移客路隨萍梗鄉心憶荔支平生湖海氣留  
滯向天涯

雨夜

愁至不可道草蟲燈際鳴高齋人獨卧風雨下  
孤城白鴈自秋色黃花非世情悠悠江漢客衰  
白負平生

邊城

邊城望不極古木護長提野店投人宿寒溝失  
馬蹄自憐傲世骨萬里尚棲棲回首長安道乾  
坤方鼓鼙

河間

秋色已滿地驅車度兩河水從他郡合橋憶去  
年過野草侵田盡柴門倚樹多天南見歸鳥對  
酒不成歌

古道

古道夕陽前人烟斷復連溪流寒飲馬堤柳密  
藏靈容路思千里歸期動隔年東山有兄弟夢  
汝海雲邊

東平遇雨

秋意入平蕪南雲一鴈呼霜林紅錯落山雨翠  
饒饒野氣當村合泉聲隔樹無欲投筆不食宿少  
婦政當墟

登阿城

天地孤城在山河一望遙秋聲松外雨官路柳

邊橋妻子無消息  
琴書久寂寥  
歸心與別恨  
對酒不能消

八月十五夜寄內

萬里思歸夜  
三秋病客身  
遙憐故園月  
愁殺倚樓人  
河漢清光近  
關山白髮新  
何時照雙影  
去住慰離神

過邵伯懷惟和

寒鴈一聲悲  
蘆花萬頃垂  
當年曾與汝  
倚櫂共題詩  
石憶留名處  
河憐失路時  
不知雙劍氣  
何處

日合雄雌

舟泊揚州

萬里見歸鴻長天路不通薄雲村樹外殘日浪花中  
水氣吞城盡人烟隔岸同可憐瓜步月送客過江東

九日蘭陵

歸思滯天涯關雲望更賒一年長作客九日陪  
思家水遶荒城曲山圍驛路斜遙憐故園菊憔悴爲誰花

萬年宮謁武夷君

十里翠巒紛征衣上白雲劇憐茗水吏來拜武  
夷君峰影中流換松音隔水聞塵心渾忘却不  
用更移文

武夷謁王司馬祠

遺廟魂何在行人泪未乾血應春草碧心共遠  
團丹斷壁龍蛇老空碑科斗殘西風吹六樹猶  
帶陣雲寒

建安道中

風物非吾土，寒威凋客顏。  
清霜深抱樹，毒霧遠吞山。  
亂水衝城去，孤舟逐漲還。  
可憐衰草色，都染泪痕斑。

度分水關

鳥道鬱嶺岷，征驂駐復難。  
水分閩地盡，天入楚雲寒。  
雨斷溪生白，霜深葉互丹。  
迴看故鄉月，已隔萬峰端。

入吳興郡署

太傅風流在，憐余竹淇分。  
樓看茗水月，簾入峴

山雲更散收蠶稅官閒養鶴羣賞心誰得解地  
下沈休文

壬辰除日

忽忽冬云盡風塵又一年客魂芳草裏歸夢曰  
雲邊獨鴈衝殘雪踈梅人斷烟聞山與浙水兩  
地不成眠

癸巳元日橋李道中

客裏逢元日辛盤一度新舟中藍尾酒天際白  
頭人律應嘉禾暖花迎橋李春自憐大馬齒老

去益風塵

讀寧夏露布四首

一夜欃槍落西南奏凱旋  
君王賜貂日壯士  
請纓年魚腹孤城疾旄頭太白懸  
九邊競笳鼓  
萬里息烽烟

可歎潢池裏誰招白骨魂  
天戈未西指官府  
望南奔春燕空巢冷孤城殺氣昏  
積薪兼直突遺恨  
党軍門

今日凌烟上功臣亦代興  
虎鬚李都督馬汗葉

中丞沉竈圍初合囊沙勢已崩  
賀蘭最高處蕭瑟不堪凭

露布出幽都天書下太湖  
拊髀雙頗牧繫頸五單于  
海寇驚傳檄君恩早賜醮  
江南諸父老垂涕願須臾

登雉州松雲寺

絕壁石爲亭遙空暗復明  
松濤翻落日野氣隱孤城  
鐘過僧初定雲歸鳥不驚  
忽聞樵唱近處竹枝聲

登鄆縣五山

出郭息塵機登山看落暉  
松風侵佛幌花氣上人衣  
野水縈橋合寒雲護洞飛  
仙蹤應在否吾意欲忘歸

行部舟中

出門何所適孤帆天際昏  
兩邊山色合永夜水聲喧  
吏夢滄洲遠形骸土木存  
南方多羽檄回首正銷魂

黃龍洞望太湖

落日黃龍洞衣襟卽具區東南環窟宅天地莽  
虛無水氣平吞越波光半入吳故鄉戎馬在涕  
泪滿江湖

謝王百穀見詒詩序

雙鯉到菱湖銜來明月珠才寧論八斗序已重  
三都茗水清堪把吳門近可呼不知今夜雪得  
有子猷無

登潘司空毗山二首

高閣俯層城憑虛氣杳冥山圍平野綠天入太

湖青鶴夢秋雲冷  
龍歸暝雨腥  
夜深松露落濕  
却太玄經

空翠濕雲裾  
危峰削不如  
天邊白水落  
郭外綠楊踈  
閣有尚書履  
山多太史書  
醉驅雞犬去  
疑已在空虛

生女二首

天上投珠日  
閨中夢虺時  
只應隨地寢  
何意作門楣  
慈母含飴慣  
嬌雛學語遲  
小郎圍未解  
若箇是男兒

老大憐吾往生成望汝深桃花猶未語柳絮可  
能吟祗益貧門累聊寬病客心夜中絃欲絕留  
待問知音